

Broj: 03-04-155-24/26  
Sarajevo, 25.02.2026. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 27-02-2026			
Org. jed.	Broj	Priloga	Vrijednost
05/1	-02-	30	26

**PARLAMENT FEDERACIJE BOSNE I HERCEGOVINE**  
**Zastupnički dom**

n/p gosp. Ivanu Miličeviću, tajniku ✓  
n/p gosp. Admiru Čavaliću, zastupniku

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u prilogu Vam dostavljam akt Federalnog ministarstva finansija - Federalnog ministarstva finansija, broj: 03-02-5-773/26 od 29. siječnja 2026. godine, koji se odnosi na zastupničko pitanje zastupnika Admira Čavalića.

S poštovanjem,



**TAJNIK VLADE**

dr. sci. Edita Kalajdžić

Privitak: kao u tekstu

Broj: 03-02-5-773/26  
Sarajevo, 29. 01. 2026. godine

BOSNA I HERCEGOVINA  
FEDERACIJA BOSNE I HERCEGOVINE  
V L A D A  
S a r a j e v o

VLADA FEDERACIJE BOSNE I HERCEGOVINE  
N/p Sekretara Vlade, Edite Kalajdžić, dr. sci.

PRIMLJENO:	24.02.2026		
Organizacione jedinice	Klasifikacija	Redni broj	Broj priloga
03-04-155-24/2026			

**PREDMET:** Odgovor na zastupničko pitanje, dostavlja se:

**VEZA:** Vaš akt broj: 03-04-155-24/26 od 26. 01. 2026. godine

Poštovani,

dana 27. 01. 2026. godine kod Federalnog ministarstva finansija zaprimljen je vaš akt, broj i datum veze, kojim nam dostavljate zastupničko pitanje, koje je postavio zastupnik Admir Čavalić.

Zastupničko pitanje se odnosi na dostavu informacije u vezi sa poništavanjem Javnog konkursa za popunu radnog mjesta rukovodećeg državnog službenika – Direktor Porezne uprave Federacije Bosne i Hercegovine – 1 (jedan) izvršilac, koji je objavljen u „Službenim novinama Federacije BiH“ – Oglasni dio broj: 50/24.

Naime, konkretno pitanje glasi: budući da je izabrani kandidat Muhamed Hasanović odustao od imenovanja, iz kojeg razloga je javni konkurs poništen i zašto na predmetnu poziciju nije imenovan drugi kandidat sa liste uspješnih kandidata koji ispunjava pravila konkursne procedure.

Dana 13. 03. 2025. godine kod ovog ministarstva zaprimljen je akt Agencije za državnu službu broj: 06-30-8-767-1/24 od 11. 03. 2025. godine u prilogu kojeg je dostavljena Lista uspješnih kandidata broj: 06-30-8-767-1-1/24 od 11. 03. 2025. godine, a po završenoj konkursnoj proceduri za popunu radnog mjesta rukovodećeg državnog službenika u Federalnom ministarstvu finansija, po konkursu objavljenom u „Službenim novinama Federacije BiH“ broj 50/24 od 03. 07. 2024. godine, na kojoj Listi se nalazilo dvoje kandidata. Sa liste uspješnih kandidata, ministar je izabrao prvorangiranog kandidata Muhameda Hasanovića, nakon čega je od Agencije zatraženo mišljenje o izabranom kandidatu, a kako je to propisano članom 31. Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U-13/16).

Nakon pozitivnog mišljenja Agencije, Vlada Federacije Bosne i Hercegovine donijela je Rješenje V broj 1837/2025 od 11. 12. 2025. godine kojim je Muhamed Hasanović imenovan za direktora Porezne uprave Federacije BiH na period od četiri godine, sa mogućnošću ponovnog imenovanja.

Zaključkom Vlade Federacije BiH, V broj: 1924/2025 od 29. 12. 2025. godine, kojim Vlada FBiH prihvata informaciju Hasanović Muhameda u vezi sa imenovanjem na poziciju Direktora Porezne uprave FBiH, Federalno ministarstvo finansija – finansija zaduženo je da pripremi odluku o poništavanju Javnog konkursa za popunu radnog mjesta rukovodećeg državnog službenika – Direktor Porezne upravne Federacije BiH – jedan (1) izvršilac, koji je objavljen u „Službenim novinama Federacije BiH“ – Oglasni dio broj: 50/24 i odluku o raspisivanju javnog konkursa za Direktora Porezne uprave F

BiH, nakon čega je i donesena Odluka V broj 1970/2025 od 31. 12. 2025. godine o poništavanju Javnog konkursa za izbor i imenovanje direktora Porezne uprave F BiH, te Odluka V broj 1971/2025 od 31. 12. 2025. godine o raspisivanju Javnog konkursa za izbor i imenovanje direktora Porezne uprave F BiH.

S tim u vezi navodimo sljedeće: članom 31. Zakona o državnoj službi Federacije Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U-13/16) propisano je da se rezervna lista kandidata čuva do isteka probnog rada postavljenog državnog službenika. Članom 15. Pravilnika o karakteru javnog natječaja i postupka postavljenja državnih službenika u organima državne službe Federacije BiH broj 01-02-5-55/25 od 06. 02. 2025. godine ("Službene novine Federacije BiH" broj 10/25) također je propisano da rezervnu listu čuva Agencija do isteka probnog rada postavljenog državnog službenika, te da, u slučaju kada probni rad postavljenom državnim službeniku nije određen *ili za slučaj da postavljeni državni službenik ne stupi na dužnost*, rezervna lista se čuva šest mjeseci od dana preuzimanja dužnosti, odnosno od dana kada je državni službenik bio u obavezi stupiti na dužnost. Dakle, ni Zakon o državnoj službi ni Pravilnik o karakteru javnog natječaja ne propisuju obavezu da se sa liste uspješnih kandidata imenuje sljedeći kandidat koji ispunjava uvjete, osim u slučaju propisanom u članu 32. Zakona o državnoj službi, kada se radi o slučaju nezadovoljavajuće ocjene rada u toku probnog perioda, kada je rukovodilac u obavezi na upražnjeno radno mjesto postaviti sljedećeg uspješnog kandidata sa liste uspješnih, a što u konkretnom predmetu nije slučaj.

Također, dana 14. 01. 2026. godine Agencija za državnu službu F BiH je svojim aktom broj 06-30-8-767/24 od 12. 01. 2026. obavijestila Federalno ministarstvo financija – finansija da je kandidatkinja Jasmina Hurić dana 05. 01. 2026. godine izjavila žalbu na obavještenje o postavljenju izabranog kandidata, koju žalbu je Agencija prosljedila Odboru državne službe za žalbe dana 07. 01. 2026. godine.

S poštovanjem,

